

Prome Minister Mike Eman a reuni cu TNO Energie pa fiha e proximo pasonan cu director nobo



COMO parti di e agen- da preta di trabou cu

Prome Minister Mike Eman tin e siman aki na Hulanda, tabatin un reunion cu directiva di TNO Energie caminda a evalua e trayectoria te awor y tambe delinea e plan pa futuro.

Minister President Eman a sinta especificamente cu dr. Mart van Bracht, Managing Director di TNO Energy y Eric Veldkamp, kende ta proxima- mente ta bira e Director nobo na TNO Caribbean Branch.

Dr. van Bracht a duna di conoce cu e reunion cu Premier Eman a bay sumamente bon.

“Nos a papia bon cu otro y a acorda riba e progreso. Nos tur dos ta contento cu ta bay asina bon na Aruba, cu TNO y cu Aruba,” asina e Director di TNO a bisa.

E proyectonan mas importante dilanti di por- ta t’e culminacion di e Smart Community y e proyecto di alga.

P’e prome, TNO a duna di conoce cu tin un interes grandi di parti di companianan Hulandes pa forma parti di e proyecto. Pa loke t’e proyecto di alga, nan ta wak esaki como un oportu- nidad nobo y fantas- tico pa nan y pa Aruba.

“Tin hopi interes pa cu esaki. Nos tin concreta- mente awor 15 compa- nia cu a firma un MOU. Esey ta ya caba den e prome fase, sin cu ai- nda tin en realidad un edificio, y manera cu e desaroyo cana liher, nos ta kere cu e interes lo bay sigui crece,” asina dr. van Bracht a declara.

Den su mayoria ta trata

di companianan di ino- vacion cu ta desaroyo tecnologia sostenibel y cu kier test esakinan den un clima tropical y bou situacionnan extremo; pero tambe ta trata di companianan cu kier habri mercado na Amer- ica y for di Hulanda no por haci esey.

“Aruba ta un springplank fantastico p’esaki, un pida di Reino Hulandes, pero serca di dos mer- cado grandi pa tecnolo- gia nobo,” e Director di TNO a bisa.

E proyecto ta programa pa keda cla den ultimo lunanan di e aña aki ora cu e prome casnan ta completo. Naturalmente tin companianan cu lo t’ey prome cu esey ya cu nan aparato y instalacion ta forma parti di e con- struccion.